



Gianna Beeli (a san.), Luna Rahr, Uolf Candrian, Kasia Siemasz e Jakob Schäfer da la GiuRu e la YEN pronti per lur arranchament.

# Minoritads cun giuventetgna activa

Giuventetgna Rumantscha e YEN han dà invista

■ (anr/fa) A chaschun da la festa per il tschientavel ha la LR dà er a la giuventetgna l'ocasiun da preschentar lur lavur. In resultat da quella è la cumparsa d'in magazin cun 300 texts da persunas giuvnas. Il motto dal di sonda era «visita»: A Zuoz eran vegnidas differents commembers e commembras da la Youth of European Nationalities (YEN), la quala vegn presidiada da *Gianna Beeli*. Da la Pologna en Engiadin' Ota era vegnida *Kasia Siemasz*, da la Germania *Luna Rahr* che fa part da la minoritad dals Danais ed il Sorb *Jakob Schäfer*. Da la Giuventetgna Rumantscha (GiuRu) eran preschents il president *Uolf Candrian* sco era *Naomi Arpagaus* e *Flavia Hobi*. Moderà l'arranchament ha *Alice Bertogg*.

**Acziun cun tatgaders ha purtà fritgs**  
Il president da la GiuRu ha quintà als collegas da la YEN ed als preschents da

lur acziun cun tatgaders da differentas colurs. I sa tracta d'in'acziun en trais pass: «L'emprim onn avain nus tatgà da notg en territori rumantsch sin fatschentas cun si mo tudestg tatgaders pinks 'Per rumantsch?' per motivar da resguardar er il rumantsch en lur affars.» In onn pli tard han els fatg il medem cun tatgaders verds «Nus ducurrin rumantsch» per mussar nua ch'ins po durrar rumantsch per far las cumpras. «E sco terza avain nus stgaffi tatgaders cun si 'products indigens per consumar cun cor' e stgaffi ensemen cun la plattafurma *www.latabla.ch* fundada da *Corina Gustin* in martgà digital, virtual», ha cuntinuà Candrian. Las fatschentas e butias rumantschas han pudì sa registrar ed èn uss integradas sin la charta geografica sin *www.perrumantsch.ch*: «Cun cliccar sin ils lieus cun questas butias vesan ins ils differents products indigens che quellas vendan», ha declerà Can-

drian, «qua pon ins er empustar directamain da lur products.»

**En tschintg onns texts dad 80 giuvnas e giuvens**

«Cunquai ch'i na deva pli la publicaziun da e per giuventetgna rumantscha 'Punts' avain nus da la GiuRu gi avant tschintg onns l'idea da publitgar regularmain, mintga emprim venderdi dal mais, en La Quotidiana ina pagina per giuventetgna», ha ditg Hobi. «Malgrà ch'i nun è adina simpel d'avair avunda contribuziuns e ch'igl è da spetgar fin l'ultim mument fin ch'ins ha ils texts avain nus gi success cun nossa pagina», ha cuntinuà Arpagaus, «en quests onns avain nus pudì publitgar 60 paginas cun 300 contribuziuns dad 80 persunas giuvnas.» Quest magazin cun num «vuschs giuvnas» ch'ins ha laschè stampar da l'Edition Apart da *Gioni Fry* custa tschintg francs ed ins po las empustar sin *www.ediziun-apart.ch*



Ils organisaturs da la festa da giubileum Andreas Gabriel e Gianna Olinda Cadonau sper l'iert da Madlaina Lys e Flurin Bischoff.



Uolf Candrian en discussiun cun la moderatura Alice Bertogg.



Flavia Hobi e Noemi Arpagaus (da san.) cun il magazin che cuntegna contribuziuns dad otganta persunas giuvnas.



Jon Pult, Andri Franziscus e Gianna Luzio sa preparan per la discussiun davart il futur da la Rumantschia.



Il nov promotur regional Linard Martinelli (entamez) ha discurrei la fin d'emna passada cun blers dals preschents, tanter quels era Martin Gabriel, il secretari da la LR (a san.).

FOTOS F. ANDRY



La Tribuna gronda era savens bain occupada.



Andri Franziscus ha moderà la discussiun (No) Future per la Rumantschia cun Gianna Luzio, Jon Pult, Marco Cavegn, Annalea Stuppan e Gianna Beeli.



Grazia al sulegi ch'ha splenduri era adina blera glied sin Plazzet.